

Na osnovu člana 3. i 5. Zakona o prenosu poslova na udruženje medijatora („Službeni glasnik BiH“, broj 52/05), u vezi sa članom 30. Zakona o postupku medijacije („Službeni glasnik BiH“, broj 37/04), te na osnovu člana 20. Statuta, Upravni odbor Udruženja medijatora u BiH **d o n o s i**

**PRAVILNIK
O IZMJENAMA I DOPUNAMA PRAVILNIKA
O NAGRADI I NAKNADI TROŠKOVA
POSTUPKA MEDIJACIJE**

Član 1.

Ovim pravilnikom određuje se vrsta troškova *postupka medijacije (u daljem tekstu: medijacija), tarifa za obračun nagrade medijatora i naknade troškova medijacije.

Član 2.

Troškovi medijacije obuhvataju administrativne troškove neophodne za provođenje postupka medijacije, naknadu troškova medijatora, kao i akontaciju uz zahtjev za medijaciju.

Član 3.

Ako je zahtjev za medijaciju podnijela jedna stranka, pravno ili fizičko lice, dužno je uplatiti akontaciju uz zahtjev za medijaciju.

Ako ugovor o medijaciji bude zaključen troškovi uplaćene akontacije ulaze u troškove neophodne za provođenje medijacije.

Ako se ne zaključi ugovor o medijaciji, uplaćena akontacija u iznosu od 50,00 KM se ne vraća.

Uplaćena akontacija uz zahtjev podrazumijeva troškove nastale u postupku pribavljanja saglasnosti o medijaciji.

Član 4.

Administrativni troškovi uključuju troškove neophodne za provođenje medijacije u koje između ostalog spadaju troškovi administrativne podrške medijatoru u toku medijacije.

* Zakon o postupku medijacije u svom naslovu i odredbama koristi termin „postupak medijacije“.

Član 5.

Nagrada medijatoru se obračunava prema vrijednosti spora, satu pripreme i po satu održanog medijacijskog sastanka.

Medijacijski sastanak može trajati najviše četiri sata i obuhvata vrijeme od jednog sata pripreme medijatora i tri sata medijacije.

Utvrđuje se skala za tarifu prema vrijednosti spora u postupku medijacije kako slijedi:

Vrijednost spora medijacije	Naknada medijatoru za pripremu i za sat održane medijacije	Troškovi postupka za Udruženje medijatora BiH	Porez na dodatnu vrijednost
od 1 do 50.000 KM	75 KM + porez	75 KM	+ PDV
od 50.001 do 100.000 KM	200 KM + porez	200 KM	+ PDV
od 100.001 do 200.000 KM	300 KM + porez	300 KM	+ PDV
od 200.001 do 300.000 KM	400 KM + porez	400 KM	+ PDV
od 300.001 do 400.000 KM	500 KM + porez	500 KM	+ PDV
od 400.001 do 500.000 KM	600 KM + porez	600 KM	+ PDV
od 500.001 do 600.000 KM	700 KM + porez	700 KM	+ PDV
od 600.001 do 700.000 KM	800 KM + porez	800 KM	+ PDV
od 700.001 do 800.000 KM	900 KM + porez	900 KM	+ PDV
od 800.001 do 900.000 KM	1.000 KM + porez	1.000 KM	+ PDV
od 900.001 do 1.000.000 KM	1.500 KM + porez	1.500 KM	+ PDV
od 1.000.001 do 2.000.000 KM	2.000 KM + porez	2.000 KM	+ PDV
od 2.000.001 do 3.000.000 KM	3.000 KM + porez	3.000 KM	+ PDV
od 3.000.001 do 4.000.000 KM	4.000 KM + porez	4.000 KM	+ PDV
od 4.000.001 do 10.000.000 KM	5.000 KM + porez	5.000 KM	+ PDV
Preko 10.000.000 KM	10.000 KM + porez	10.000 KM	+ PDV"

Član 6.

Izuzetno u komunalnim sporovima u kojima je pojedinačna vrijednost spora do 3.000 KM, cijena troškova postupka medijacije određuje se na drugačiji način, tako da tri korisnika iste usluge tretira kao jednog korisnika, a cijena troškova postupka medijacije iznosi neto 210 KM (120 KM medijatoru+ 18,6% poreza u iznosu 22,32 KM i 90 KM troškovi obrade predmeta kao naknada Udruženju, PDV 17% 39,49 KM ,što ukupno u brutu iznosi 271.81 KM.

Na iznos neto naknade medijatoru, vrši se obračun poreza.

Od ukupnog iznosa 271,81 KM sa obračunatim PDV, davalac usluga plaća 50%, a korisnici usluga plaćaju preostalih 50%, koji dijele na jednake dijelove.

Član 7.

Putni troškovi smještaja medijatora ulaze u troškove medijacije.

Član 8.

Iznos troškova medijacije stranke plaćaju Udruženju.

Udruženje isplaćuje medijatoru nagradu i naknadu troškova medijacije.

Član 9.

Stranke su obavezne izvršiti plaćanje akontacije troškova medijacije od izbora, odnosno imenovanja medijatora na osnovu ispostavljene fakture koju izdaje Udruženje.

Akontacija troškova medijacije uključuje dva sata medijacijskog sastanka, paušalni iznos ostalih troškova medijacije i pripadajući porez.

Član 10.

Ako se medijacijski sastanak ne održi zbog nedolaska jedne ili obje stranke, a o čemu Udruženje nije obaviješteno, strankama se neće vratiti predumljeni iznos, jer isti pokriva troškove pripreme sastanka medijacije i dolaska medijatora.

Ako se medijacijski sastanak odgodi, predumljeni iznos pokriva troškove ponovo zakazanog medijacijskog sastanka.

Ako jedna ili obje stranke povuku suglasnost za medijaciju, povrat uplaćenog predumljenog iznosa neće biti izvršen, jer taj iznos pokriva troškove pripreme sastanka medijacije i dolaska medijatora.

Član 11.

Po okončanju medijacije stranke su dužne platiti troškove medijacije koji po depozitnoj fakturi ulaze u ukupne troškove medijacije.

Stranke su dužne izvršiti uplatu troškova medijacije u roku od osam dana od dana ispostave fakture.

Član 12.

Troškove medijacije stranke plaćaju na jednake dijelove, osim ako se drugačije ne dogovore.

Član 13.

Ovaj Pravilnik stupa na snagu osam (8) dana od dana objavljivanja na Oglasnoj ploči Udruženja medijatora BiH i na Web stranici Udruženja.

Broj: 10-1 /15
Sarajevo, 28.01.2015. godine

Predsjednik Udruženja

Orleanka Nikodinović, dipl.iur.